

PRAVILA KONKURSA/NATJEČAJA “NAPIŠI PRIČU, OSVOJI NAGRADU!”

1. ORGANIZATOR

Konkurs/natječaj “**Napiši priču, osvoji nagradu!**” organizuje i provodi Razvojni program Ujedinjenih nacija (UNDP) u BiH u okviru projekta Zeleni ekonomski razvoj (GED), koji finansira Švedska. Projektne aktivnosti se realizuju u saradnji sa Ministarstvom vanjske trgovine i ekonomskih odnosa Bosne i Hercegovine, Fondom za zaštitu okoliša Federacije BiH i Fondom za zaštitu životne sredine i energetske efikasnost Republike Srpske, entitetskim ministarstvima prostornog uređenja, entitetskim ministarstvima za energiju, kantonalnim ministarstvima, jedinicama lokalne samouprave, te drugim partnerima.

2. PODRUČJE ORGANIZIRANJA I PROVOĐENJA KONKURSA/NATJEČAJA

Konkurs/natječaj se organizuje i provodi na području Bosne i Hercegovine.

3. KONCEPT KONKURSA/NATJEČAJA

Konkurs/natječaj se zasniva na takmičenju novinara/ki, blogera/ica i studenata/tica, koji ispunjavaju osnovne uslove propisane ovim pravilima, u pisanju tekstova koji imaju za cilj promociju:

- uštede energije,
- korištenja obnovljivih izvora energije,
- čistijeg zraka i
- zaštite okoliša/životne sredine.

Svi prijavljeni tekstovi će biti analizirani od strane organizatora, kako bi osigurali ispunjenje kriterija prijave.

4. PRAVO NA UČEŠĆE

U konkursu/natječaju mogu učestvovati sva fizička lica starija od 18. godina, sa prebivalištem na području Bosne i Hercegovine, koja zadovoljavaju kriterije postavljene ovim pravilima, a koja se u periodu od 07.09.2020. godine do 31.10.2020. godine registruju putem aplikacije na web stranici www.ged.ba/napisi-pricu i objave svoj tekst, te popratnu fotografiju koja služi za vizualno predstavljanje teksta.

Pravo na učešće nemaju lica zaposlena kod organizatora, niti lica koja direktno učestvuju u ovom konkursu/natječaju. U konkursu/natječaju ne mogu učestvovati niti lica zaposlena kod nezavisnih partnera, u reklamnim agencijama uključenim u ovu promociju, kao i najbliži članovi porodice bilo koje od navedenih osoba. Svaki/a učesnik/ca može učestvovati u konkursu/natječaju samo u svoje lično ime i sa učestvovanjem potvrđuje da su svi poslani lični podaci samo njegovi/ni lični podaci, te se slaže sa ovim pravilima. Učesnici/e nisu ograničeni/e brojem učestvovanja, ali mogu dobiti samo jednu nagradu.

Učesnici/e se obavezuju da će navesti sve podatke koji su predviđeni registracijskom formom na web stranici organizatora, a organizator da će te podatke koristiti isključivo u svrhu organizacije konkursa/natječaja.

Učestvovanjem u konkursu/natječaju na web stranici Organizatora, tj. objavom teksta i fotografije, slanjem traženih podataka i klikom na dugme "Prijavi priču", učesnici/e potvrđuju da su upoznati/e sa pravilima konkursa/natječaja, te da ih prihvataju i da se u potpunosti sa njima slažu.

5. NAČIN UČEŠĆA

Učesnici/e mogu učestvovati u konkursu/natječaju putem web platforme, na kojoj se nalazi registracijska forma za unos teksta i prateće fotografije, kako je propisano ovim pravilima. Svi/e učesnici/e mogu podijeliti svoj rad putem društvenih mreža, te pozvati svoje prijatelje da glasaju za njih, u periodu u kojem je otvoreno glasanje za javnost. Prilikom dijeljenja sadržaja na društvene mreže, učesnici/e su obavezni/e stavljati predviđeni hashtag projekta, #GED.

6. TRAJANJE KONKURSA/NATJEČAJA

Konkurs/natječaj traje od **07.09. do 30.11.2020.** godine, u sljedećim fazama.

- Prijava tekstova konkursa/natječaja na www.ged.ba/napisi-pricu: **07.09. - 31.10.2020.**
- Glasanje javnosti: **07.09. - 15.11.**
- Objava 10 finalnih tekstova konkursa/natječaja: **18.11.2020.**
- Glasanje žirija: **18.11. - 25.11.2020.**
- Proglašenje tri najbolja teksta konkursa/natječaja: **30.11.2020.**

7. ODABIR POBJEDNIKA/CA

Odabir pojednika/ca će se vršiti u dvije faze:

- Glasanje javnosti - 07.09. do 15.11.
- Glasanje žirija - 18.11. do 25.11.

Glasanje javnosti

Tokom trajanja konkursa/natječaja, javnost ima mogućnost glasanja na web stranici na kojoj se nalaze svi tekstovi, klikom na ikonu pozicioniranu ispod prijavljenog teksta. Javnost svoje glasove može poslati najkasnije do 15.11.2020.godine.

Nakon završetka javnog glasanja, 18.11.2020.godine, lista 10 tekstova sa najvećim brojem glasova će biti objavljena na web stranici organizatora. Deset odabranih tekstova time dobiva 50 bodova i ulazi u sljedeći krug konkursa/natječaja, odnosno proces odabira finalista/kinja od strane žirija.

Glasanje žirija

Izbor pobjednika/ca odredit će četveročlani žiri, specijalno oformljen za ovu svrhu, u periodu od 18.11. do 25.11.2020.godine.

Žiri će bodovati radove na skali od 0 do 50 bodova, na osnovu sljedećih kriterija:

- **Originalnost:** priča predstavlja inovativan i neobičan način razmišljanja (do 50 bodova).
- **Relevantnost informacija u odnosu na temu:** koliko su kontekst i tema priče relevantni u odnosu na zadane teme: ušteda energije, korištenje obnovljivih izvora energije, čistiji zrak, zaštita okoliša/životne sredine (do 50 bodova).

- **Promjena ponašanja:** priča koja potiče pozitivne promjene u ponašanju (do 50 bodova).

Maksimalan broj bodova koje jedan tekst može dobiti u sklopu iznad navedenih kriterija iznosi **200 bodova**.

Pobjednici/e će biti objavljeni/e 30.11.2020.godine na istoj web platformi na kojoj su priče objavljene (www.ged.ba/napisi-pricu), kao i na stranicama društvenih mreža organizatora.

Rezultati izbora žirija su konačni. Žalba na rezultate nije moguća.

8. OBAVEZE I PRAVA

- Učešćem u konkursu/natječaju učesnici/e prihvataju navedena zvanična pravila.
- Odluke organizatora donesene prema pravilima o provođenju konkursa/natječaja konačne su i obavezujuće za sve učesnike/ce.
- Učešćem u konkursu/natječaju učesnici/e garantuju, pod punom moralnom i materijalnom odgovornošću, da polažu autorska prava na tekstove i fotografije sa kojima učestvuju u konkursu/natječaju. Svaki/a učesnik/ca sa prijavom priče u potpunosti garantuje da je tekst isključivo i samo njegovo/no autorsko djelo, a u slučaju fotografije, da je za istu obezbijedio/la puna autorska prava, te na organizatora prenosi sva materijalna autorska prava, bez vremenskog i teritorijalnog ograničenja.
- Učesnici/e garantuju da su obezbijedili/e autorska prava za sve fotografije koje se prijave uz tekst, kao prateći materijal. U slučaju da su učesnici/e kreirali/e vlastite fotografije, njihovim slanjem uz tekst, garantuju da imaju odobrenje i saglasnost od svih osoba koje se nalaze na fotografiji.
- Zabranjeno je uz tekst slati fotografije na kojima se nalaze maloljetne osobe, ukoliko nije osigurano odobrenje roditelja/staratelja.
- Svi tekstovi koji su objavljeni u okviru konkursa/natječaja, ostaju u vlasništvu organizatora, koji ih može koristiti promotivne svrhe bez isplate dodatne naknade.
- Učešćem u konkursu/natječaju prepušta se pravo organizatoru da koristi, objavljuje i distribuira, širom svijeta i trajno, u svakom tradicionalnom ili elektronskom medijskom formatu, tekstove koji su objavljeni.
- Zabranjeno je:
 - o objavljivati i/ili prenositi zakonom zaštićene sadržaje.
 - o objavljivati i/ili slati vulgarne, klevetničke, pornografske, uvredljive, prijeteće, rasističke, fašističke i šovinističke sadržaje tekstove, slike, video i/ili audio zapise;
 - o objavljivati i/ili slati tajne i/ili zaštićene podatke neke fizičke ili pravne osobe; lažno se predstavljati (u ime druge fizičke ili pravne osobe);
 - o objavljivati, prenositi i/ili slati informacije koje krše postojeće zakone Bosne i Hercegovine i/ili međunarodne zakone;
 - o objavljivati, prenositi i/ili slati lažne informacije u smislu nanošenja štete trećim osobama; širiti nacionalnu netrpeljivost ili vrijeđati građane Bosne i Hercegovine ili bilo koje druge zemlje po nacionalnom ili bilo kojem drugom osnovu;
- Organizator se obavezuje da neće prodavati tekstove ni pod kojim uslovima.
- Sve poslane datoteke (fotografije i tekstove) organizator može koristiti u bilo kojem obliku svojih promotivnih aktivnosti, bez posebnog obavještenja ili dodatne saglasnosti učesnika.
- Organizator zadržava pravo oduzimanja nagrade, u slučaju otkrivenih nepravilnosti ili netačnosti podataka, a učesnik da će nadoknaditi materijalnu štetu nastalu tim postupkom.
- Organizator ne odgovara za eventualno kršenje autorskih prava od strane učesnika/ca.

- Dobitnici/e nagrada će pružiti sve informacije i dokumente potrebne za primjenu pravila i ostalih odgovarajućih zakona.

Ako dobitnik/ca ne ispunjava uslove za preuzimanje nagrade definisane ovim pravilima, odnosno odustane od preuzimanja nagrade ili istu ne preuzme u roku određenom od strane organizatora, organizator i tehnički izvođač u odnosu s dobitnikom/com se oslobađaju svih obaveza prema dobitniku. Ukoliko dobitnik/ca unutar 72 sata od eventualnog naknadnog poziva ne dostavi svoje podatke, nagrada mu/joj neće biti dodijeljena.

9. NAGRADE

Nagrade planirane konkursom/natječajem će biti raspodijeljene pobjednicima/ama, prema sljedećem rangiranju:

Opis nagrade	Količina
Fotoaparat Fujifilm X-A7 14-45mm	1
Tablet Samsung Galaxy Tab A 10.1 i Panasonic slušalice RP-BTS30E-W Bluetooth	1
Tablet Samsung Galaxy Tab A 10.1	1

Nije moguće prenositi osvojenu nagradu na treća lica. Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim pravilima.

10. OBJAVA PRAVILA

Ova pravila će biti objavljena na web stranici organizatora.

11. OBAVJEŠTAVANJE DOBITNIKA/CE I URUČENJE NAGRADA

Imena dobitnika/ca i načini uručenja nagrada će biti objavljeni na web stranici www.ged.ba/napisi-pricu. Dobitnici/e će biti obaviješteni/e o prijemu nagrade putem elektronske pošte na e-mail adresu navedenu od strane učesnika/ce prilikom registracije, i to u roku od pet dana od dana odabira.

U slučaju da epidemiološka situacija u Bosni i Hercegovini bude dozvoljavala, dodjela nagrada će se održati u prostorijama UN House Sarajevo.

Dobitnik/ca je dužan/na da prilikom preuzimanja nagrade organizatoru konkursa dostavi svoje lične podatke (ime, prezime, adresu, opštinu stanovanja, broj telefona, matični broj, broj lične karte).

11. ISKLJUČENJE ODGOVORNOSTI

Organizator ne preuzima nikakvu odgovornost za:

- slučaj nepravilnog funkcionisanja interneta, (ne)funkcionisanja i ostalih aktivnosti društvene mreže Facebook ili (ne)funkcionisanja elektronske pošte ili ostalih uređaja koji omogućavaju sprovođenje ovog konkursa/natječaja. Isto tako, organizator nije odgovoran ako jedan ili više učesnika/ca ne mogu pristupiti web stranici ili ne mogu da učestvuju u konkursu/natječaju zbog tehničke greške u vezi sa djelovanjem internet mreže

- slučaj bilo kakve posljedice koje učesnici/e mogu pretrpjeti zbog učestvovanja u konkursu/natječaju na koje organizator i tehnički izvođač nemaju uticaja.

12. OTKAZIVANJE

Organizator ima pravo da jednostrano otkáže konkurs/natječaj u bilo kojoj fazi, uz obavještenje ukoliko bi došlo do materijalne povrede ili zloupotrebe pravila ili događaja koji imaju karakter više sile. U tom slučaju neće se nadoknaditi troškovi, direktna ili indirektna šteta učesnicima/ama u nagradnom konkursu, niti će se nagradni konkurs održati. Opoziv konkursa/natječaja se objavljuje na web stranici www.ged.ba/napisi-pricu.

13.OSTALE ODREDBE

Organizator neće uvažiti nepotpune ili pogrešno ispunjene prijave za konkurs/natječaj.

Odluke organizatora konkursa/natječaja, za sva pitanja vezana uz konkurs/natječaj, su konačne i vrijede za sve učesnike/ce.

Organizator konkursa/natječaja zadržava pravo izmjena ovih pravila ako to zahtijevaju pravni ili tehnički razlozi. O svim eventualnim promjenama pravila učesnici/e će biti obaviješteni/e objavom na internet portalu www.ged.ba/napisi-pricu.

Nastavak učestvovanja u konkursu/natječaju, nakon objave eventualnih promjena pravila, znači da učesnik/ca prihvata i slaže se s promjenama.